



Schweizerische Eidgenossenschaft
Confédération suisse
Confederazione Svizzera
Confederaziun svizra



Empowered lives.
Resilient nations.

PROJEKAT INTEGRIRANOG LOKALNOG RAZVOJA (ILDP) III PRILOG II

Upute za popunu Prijavnog obrasca

Dio I Prijavnog obrasca: JEDINICA LOKALNE SAMOUPRAVE (JLS) KOJA PODNOSI PRIJAVU

U ovom dijelu Prijavnog obrasca, molimo navedite sve opšte i kontakt informacije. Pri popunjavanju dijela koji se odnosi na broj trenutnih stanovnika JLS, molimo navedite podatke iz posljednjeg objavljenog popisa.

Dio II Prijavnog obrasca: INFORMACIJE O STRATEŠKIM PLANSKIM DOKUMENTIMA JLS

U drugom dijelu Obrasca, podnosioci prijava imaju mogućnost da dostave osnovne informacije i pojašnjenja trenutnog statusa planskih strateških dokumenata, s posebnim osvrtom na razvojnu integriranu strategiju.

U dijelu 2.1 od JLS se očekuje da dostavi informaciju o postojanju integrirane razvojne strategije, koja je urađena po MIPRO-u, i ostalih strateških dokumenata koje JLS može imati (npr. Strategija za mlade, Lokalni ekološki akcioni plan-LEAP i slično).

U dijelu 2.2 od JLS se očekuje da navede informacije o tačnom statusu prostornog plana.

U dijelu 2.3 JLS treba navesti da li trenutno prima bilo kakvu eksternu (donatorsku) podršku za izradu strategije razvoja.

Dio III Prijavnog obrasca: ISKUSTVA I KAPACITETI JLS U OBLASTI AKCIONOG/ STRATEŠKOG PLANIRANJA I UKLJUČIVANJA GRAĐANA

Sva pitanja iz ovog dijela Prijavnog obrasca se tiču prethodnih iskustava u planiranju lokalnog razvoja, bilo da je riječ o akcionom ili strateškom planiranju, sa posebnim osvrtom na kapacitete JLS u domenu pripreme i realizacije projekata prioritetnih za lokalnu zajednicu. Pored toga, ovaj dio obrasca se bavi iskustvima i uspostavljenim mehanizmima JLS za uključivanje građana u procese koji su od interesa za razvoj lokalne zajednice. Također, važno je obrazložiti i iskustvo JLS u radu sa socio-ekonomskim akterima (privrednici, nevladine organizacije, mediji i sl.) na razvoju lokalne zajednice ali i mehanizme i konkretne projekte kojim JLS adresira potrebe socijalno-isključenih i najranjivijih grupa. Kod opisa situacije, od JLS se očekuje da daje koncizne

i jasne informacije o relevantnom iskustvu i praksi, na najviše ½ stranice teksta, pri čemu je neophodno dostaviti dokaze koji idu u prilog izjavama.

Dio 3.1 Obrasca se odnosi na prethodna iskustva u provođenju participativnih procesa akcionog ili strateškog planiranja (uključivanje građanskog društva, mjesnih zajednica, poslovnog sektora, građana i sl.). Od JLS se očekuje da ukratko opiše takva prethodna iskustva, ukoliko postoje. Ovdje JLS može da navede i druge primjere uključivanja građana u rješavanje gorućih problema u lokalnoj zajednici.

U dijelu 3.2 od JLS se očekuje da dostavi informacije o postojećim kapacitetima za upravljanje projektnim ciklusom (PCM), odnosno, informacije o postojanju tima ili osobe zaduženih za pripremu i podnošenje projektnih prijedloga za eksterno finansiranje. Također, JLS treba dostaviti informaciju na koji način upravlja realizacijom projekata koji se finansiraju iz eksternih izvora finansiranja (međunarodni donatori, sredstva viših nivoa vlasti i sl.) te potkrijepiti informacije relevantnom dokumentacijom.

Dio 3.3 Obrasca se odnosi na prethodna iskustva JLS u provođenju razvojnih aktivnosti u saradnji sa građanskim društvom (tj. organizacijama civilnog društva) i drugim socio-ekonomskim partnerima (mala i srednja preduzeća, velike privatne kompanije, različita udruženja npr. dijaspora, mjesne zajednice, mediji, prominentni pojedinci i sl.) kako bi se odgovorilo na postojeće potrebe ili prioritete u lokalnoj zajednici.

U dijelu 3.4 od JLS se očekuje da konkretno navede primjere prethodnih ili trenutnih iskustava i aktivnosti u promoviranju socijalne uključenosti i ravnopravnosti spolova na lokalnom nivou. Posebno je važno navesti specifične projekte koje je JLS realizirala na svojoj teritoriji a koji rješavaju neke od najvažnijih problema ranjivih grupa kao što su povratnici i raseljena lica. Također, ukoliko je JLS imala konkretne projekte koji promoviraju rodnu ravnopravnost, treba ih kratko navesti.

Dio IV Prijavnog obrasca: FINANSIRANJE PRIORITETNIH PROJEKATA LOKALNOG RAZVOJA

Ovaj dio Obrasca se odnosi na finansijska ulaganja u implementaciju strategije razvoja i/ili drugih važećih strateških dokumenata te prioriteta projekata koji iz njih proizilaze. **Ukoliko JLS nema/nije imala strategiju razvoja niti druge strateške planske dokumente, ovaj dio Obrasca ne treba popunjavati.**

U dijelu 4.1 od JLS se očekuje da dostavi informacije o nivou dodatno mobiliziranih eksternih sredstava za implementaciju strategije razvoja i/ili drugih važećih strateških dokumenata u posljednje tri godine: 2014, 2015 i 2016. Pojedina ministarstva, javni fondovi na kantonalnom, entitetskom i državnom nivou, međunarodne organizacije ili kreditne institucije dodjeljuju sredstva za različite prioritetne projekte JLS (za oblasti poljoprivrede, turizma, ruralnog razvoja, komunalne infrastrukture, omladine i sporta, zaštite okoliša, upravljanja vodama i otpadom, kulture, održivog povratka, itd.). Podnosilac prijave treba odabrati jednu od dvije ponuđene opcije koja najbolje odgovara njihovoj situaciji, dati kratko obrazloženje i priložiti dokumente koji to potvrđuju.